



16
506
1





菅家文章卷第一 詩一

明治三十八年十月十八日購

月夜見梅華

齊衡二年乙亥于時年十一
嚴君令田進士試之予始言

詩故載
篇首

月輝如晴雪梅華似照星可憐金鏡轉庭上玉
房馨

臘月獨興 天安二年干
時年十有四

玄冬律迫正堪嗟還喜向春不敢除欲盡寒光
休幾一字將來暖氣宿誰家冰封水面聞無浪
雪點林頭見有華可恨未知勤學業書齋窓下

幾下聖廟傳有
處字

和
門
506
卷

菅家文章卷第一

過年華

殘菊詩 十韻貞觀二十二年
于時年十六

十月玄英至，三分歲修休。暮陰芳草歇，殘色菊

○花周為是門時晚，當因發處稠。染紅衰葉病，辭

紫老○莖凋露洗香難盡，霜濃艷尚幽。低迷甓砌

脚，倒惡映欄頭。霧掩紗燈點，風披連麋浮。蝶栖

猶得夜蜂採，不知秋已謝。陶家酒將隨，郿水流

愛看寒暑急，秉燭豈春遊。

賦得赤虹篇一首 七言十句自此以下四
首臨應進士舉家君每

日試之雖有數十首
採其頗可觀留之

陰陽變理自多功，氣象裁成望赤虹。舉眼悠悠

宜雨後，迴頭耿耿在天東。炎涼有序知盈縮，表

裏無私辨始終。十月取時仙雪絳，三春見處天

桃紅。雪衢暴錦，星辰織鳥路成橋。造化工夫，丈

絲懂穿水底，一條朱旆掛空中。初疑碧落留飛

電，漸談炎洲颺暴風。遠影嬋娟猶○ ○輕形曲

撓便形，弓如今當是樞星散。宿昔何令貫○ ○

問着先為黃主寶，刻文當使孔丘通。

賦得詠青一首十韻泥字擬作

正色重真定生民萬里睎寄書仙鳥止于呂瑞
雲○馬倦經丘岳車疲過坂泥雨晴山頂遠春
暮草頭○井記鳧張翅田看鶴作蹊水衣苔自
織天鑑霧無迷髮髻佳人家潺湲道士溪鋪蒲
今未奏紋竹古應替故意霞猶聳新名石欲題
明經如拾芥迴眼好提撕

賦得躬來一首六十字題中韻

官闈修內禮春事記躬來候節時談○齋心採

不遑釣留枝掛月粉落葉凝霜舉手頻鳴珮低
頭更滿筐和風桃李質暖氣綺羅粧願助飢蠶
養成功供廟堂

賦得折楊柳一首六十字題中韻

佳人芳意苦楊柳先攀折應手麴塵輕候顏青
○○淚迷枝上露粧誤絮中雪纖指柔英斷低
眉濃黛○葉速髮更亂絲剪腸俱絕若有入羞
音誰堪行子別

九日侍宴同賦鴻雁來賓各探一字得葦

應製自此以下十首九首進士及第之作貞觀四年

稚羽晚鴻賓寒聲驚鳳辰帛書誰係足黃口自
衝○畏月是孤弦渡江非一葦先鳴何處客在
後時無○

八月十五夜嚴閣尚書授後漢書畢各詠

更得黃憲并序貞觀六年

若夫誠中扶一天度之起可知記事籠群日官
之用爰立故堯舜盛矣尚書有隆平之典周道
衰焉春秋者撥亂之法司馬遷之修史記君舉

無遺班孟堅之就漢書國經終建逮于洛陽帝
里劉嬰暫據宮城武主春更始纔偷甲子遂撫
運於堯胤垂德於火方覩我風雲安我社稷者
斯乃光武中興之主也雖則顯宗社稷使後之
言事者爭先兼平之政然而孝安屬當今天之
厭德者遂至王度之批嗟辱四百之年圖書絕
筆於孝獻桓靈之弊禮樂墜文於山陽諸葛亮
所謂親小人遠賢士是所以後漢傾頽者也於
是須陽范蔚宗終紀傳而繫日月巨唐太子賢

通注解以振膏旨南陽故事雖百代而可知東
 觀群言成一時之茂典易曰觀乎人文以化成
 天下者文之謂哉嚴君知斯文直筆味斯文之
 良史遂引諸生拔授芸閣蓋仲尼閑居曾子侍
 坐思道之事自古而存觀其人之吐白鳳者通
 引籍以先來世之踏青雲者待撞鐘而競竟至肩
 昇汗簡手執韋編或不覺暴雨之漂流或不知
 海岸之顛墜豈唯士安高尚時人另為書淫文
 凱多才坎獨自彌有傳癖而已屬至貞觀六年甲

申歲八月十五日訓說雲披童蒙霧散三冬用
 足百篇功成知籛金之假珍感琢玉之真器替
 古之力不可較量於是赤帝之史倚席於白帝
 秋三千之徒式宴于三五之日嚴涼景氣方醉
 上界之煙霞蒲日光暉盛陳中庭之玉帛數盃
 快飲一曲高吟不可必趨瑤池不可必臨梓澤
 遊宴之盛亦復如是子墨客御翰林主人請各
 分史以詠風流云徐
 黃生未免在人間千頃汙泥一水闊逆旅初知

師表相高才更見禮容顏陳蕃予綬慙先佩郭
泰車鑾歎○○保就京師公府辟徵君豈出白
雲山

重陽侍宴賦景美秋稼應製

萬里如雲稼重陽就日晴吹金風登殿滴玉露
清瑩靄靄皆和氣離離半旅生綺疇無數畝銅
雀第三鳴遠舉迴頭望長期鼓腹聲願因秋景
美將見海陵盈

翫梅華各分一字探得勝字

梅樹華開剪白繒春情勾引得相仍狂風第一
吹狼籍叱叱忿忿意不勝

八月十五夜月亭遇雨待月探得無

月暗雲重事不須天從人望豈欺誣夜深纔有
微光透珍重猶勝到曉無

秋風詞題中

寒蟬驚夾序晚現嘯涼風扇謝三秋月蘭傷九
畹叢冷聞天籟外幽想土囊中水擺輕波白林
翻落葉紅蕭條為教令慘慄混雌雄一箇青蘋

奠

末淒其萬不同

仲春釋尊禮畢王公會都堂聽誦禮記負觀

禮畢還聞禮威儀似得再成容臺皆舊攝粉澤更
新情屈膝羊知母申行鳳有兄居在千萬仞高
仰欲揚名

奉和安秀才代無名先生寄務代公子次韻

迎來至道欲相仍豈意龍門有秀膺乍見浮雲
風處破何嫌捕影日中昇天時有運寒為暖世

事無期負且乘公子先生何善惡縱雖知勸未
知懲

和春十一兄老生吟見寄次句

和君千里一朝程恠我蕃籬羽翼生劍戟誰嫌
隨後伏糠粃自愧在前行豈非大鳥三年舉應
是飛丹九轉成莫道登科遲速事以詩為伯義
為兄

入夏蒲旬過藤郎中亭聊命紙筆

不畏今朝夏日長偷言出得舊芬芳禮成無厭

來修剝酒熟應歡引入堂笑傲松喬無之知耳熱愛
嘲風月欲心狂主人莫怪還先早為是初來自
遠方

會安秀才餞舍兄防州

探得
隅字

兄友弟恭不道無勤王自與恒親疎一迴告別
腸千斷我助君情獨向隅

侍廊下吟詠送自

良辰誰擲疫益者忽相尋逮從新蘭室存來舊
竹林數盃仍許醉微詠自知音易失還難得愁

著欲晚陰

感源皇子養白鷄雛聊叙一絕

冷泊水殘片雪孤團恠問雞雛子細看養得恩容
交杵臼因君一到五雲端

秋夜離合

班來并事晚力氣夜風滅念得秋多怨心主為
我非

奉和執金吾相公彈琴之作

見說秋堂事金吾撫玉琴古人看有象新調聽

龍家文庫
無滯峽斷玉泉咽鳥寒五夜深吟君相感句如
遇舊知音

仲春釋奠聽誦論語

聖教非唯一孤源引萬流珠從沫水出鎔自孔
門投問道誰為遠趨庭莫暫留此間鑽仰事遙
望魯尼丘

錢別同門故人各著緋出宰探得
同門告別泣春風人道三龍一水中悔不當時
千萬謝應煩別後夜來夢

喜雨詩

以龍為韻限八十字
每句用漢代良吏名

傳號霑千里宜恩出九重雨寬何霑澤雲黯幾
奇峯晴記年豐瑞先知井邑雍令辰成德政旁
午育耕農步武甘膏滿含弘淚汗濃延年秋可
待廣漢霽猶懼欲逐聽銅雀誰尊黜丰龍田翁
飯去處佇立盛時邕

賀官田兩才子入學

典出於宮玉出田陽春明月孔門前前程古得
揚名處聲價邊雲城復連

早春侍內宴同賦無物不逢春應製并序自此

以下秀作貞觀九扶二

臣聞春者一年之驚策四時之光彩也時是鸞
華人皆鳥藻君主遊豫其不悅乎故一聯樂韻
非勅喚不得發其聲數輩詩臣非詔旨不得言
其志謂之內宴其事可知觀夫天文建寅帝德
旁生天以春為化帝以惠為和惠化一時煦嘔
何甚乃知四海之大也何處有陰勝之愁庶類
之多也何物有寒餘之色一草一木光華揭焉

惟夏惟夷娛樂至矣臣地是遊釣身同挾編祖
聽失所豈敢多言伏叙一人之有慶羨賦萬物
之逢春云尔謹序

寒光早退更無餘萬物逢春淚汗初問着林前
鶯語報看過水上浪文書詩臣瞻露言行樂女
妓粧成舞步虛侍宴雖知多許事一年一日黍
仙君

仲春釋奠聽講孝經同賦資文事君并序

仲春之日初十大昕有事于孔廟善釋奠也遵

豆之事則有司存之茲芬之儀則鬼神享之禮云禮云可各目以言矣於是圓冠樽節博帶振衣命夫君子之儒替其古文之典立言在簡憲章于魯堂之中敷說如流擬議于洙水之上故能志於道據於德擁經猶有三千芸其草修其書去聖曾未呎尺夫孝事親之名經爲書之号謂之義者旁觀地理謂之行者俯察人文是以膺錄受圖之貴非孝無以約左龍啜菽飲水之卑非孝無以據懸象至如子諒之心孫謀之詠

求之於百行不如此一經者也觀其一草一木不伐勾甲於和風之前乃父乃兄無麝燕毛於觀學之後濟濟焉鏘鏘焉孝治之世其猶鏡谷乎况亦資慈父以事聖君君父之敬可同孝子之門必有忠臣臣子之道何異然則揚名之義可請益於北闕之臣形國之儀豈夫問於南垓之子願錄三綱之無爽將叙五教之在寬矣謹序

懷忠偏得意至孝自成入換自何輕死會冊在

顯親王生猶有母曾子豈非臣若向公庭論應知兩取身

詠瞿麥花呈諸賢

錦窠寸截衰繁華不道優曇在釋家仁智何唯山水樂願君好愛一蓂華

戊子之歲八月十五日夜陪月臺各分一字

字探得

詩人遇境盛何勝秋氣風情一種疑明月孤輪家萬戶此間臺上是先登

觀王度園碁獻呈人

一死一生爭道頻手談厭却口談人殷勤不穩相嘲哂漫說當家有積薪

春日假景尋訪故人

一席將遠能幾人因君記得惜殘春餘華落處爭移榻宿釀開時且漣巾軟脚和風知有舊怡顏假景既如新傷心獨有王戎在向竹還慙格物身

陪寒食宴雨中即事各分一字

待來寒食路遙遙自一陽生百五朝天愍子推
嫌舉火柳烟桃焰雨中消

史記竟宴詠史得司馬相如

夫子猶司馬相如有舊聞官嫌為武騎曲喜得
文君苦諫長楊獵多勞廣澤軍太人今可用何
處不凌雲

寄巨先生乞畫圖

于時先生為神泉苑監
適許遊覽仍獻乞之

先生幸許禁圍遊更恐時光不暫留山水從來
無擔去願馮君得寫風流

番歎山陰亭冬夜待月

高齋待月月何淹不畏風霜幾撥簾海伯應慵
投老蚌山神欲惜放寒蟾油殘砌雪心猶誤死
盡窻燈眼更嫌珍重東頭光數尺如無如有獨
織織

七月六日夕會

秋來六月未全秋白露如珠月似鈞一感流年
心最苦不因詩酒不消愁

停習彈琴

偏信琴書學者資多三餘窓下七條絲專心不利
徒尋譜用手多迷數問師斷峽都無秋水韻寒
鳥未有夜啼悲知音皆道空消日豈若家風便
詠詩

八月十五夕待月席上各分一字得

一更待月事何如疑是遙良月步徐為向東頭
千萬報白雲雖密意猶疎
二更待月事何如不見金輪度碧虛雨脚念念
雷簇簇秋風為我可乖疎

三更待月事何如日倦心疲望裏疎酒是十巡
詩百詠惟來不照我閑居

四更待月事何如鐘漏頻移意有餘縱使清光
纔透出當勝徹夜甚簷疎

五更待月事何如物色人情計會疎不恨雲中
天已曉應知陰甫我三餘

九日侍宴賦山人獻茱萸杖應製

黃杖肩昇入九重煙霞莫笑至尊供南山出處
荷衣壞北闕來時菊酒逢靈壽應慙恩賜孔葛

破欲謝化爲龍排頭繫臂皆無力願助仙行赴
赤松

仲春釋奠聽講毛詩同賦發言爲詩

舉手斟王澤形言見國風喜奠日孔至泮水待
春通諫盡文章下情摠諷詠中頌聲猶不寢將
發太平功

團坐言懷

暗將年來幾踈此若不團坐欲奈何酒爲忘憂
盃有數詩綠叙志希猶多自慙少日徒迴轂偏

恨夕陽不用戈我意君情今夜盡曉天飯屢莫
空過

王度讀論語竟聊命盃酌

圓珠初一轉舞象遂丁年自此窮墳典何唯二十篇

華下錢諸同門出外吏各分一字探得

送客何先點淚痕應綠別後不同門今朝記得
歸來日萬里程間一折轅

晚春同門會飲翫庭上殘華

榮枯物我自應知春晚殘華幾許枝人有同門
芳意篤鳥無比翼暮樓移攀時醉裏何遊乎落
處盃中莫盪吹一道馨香今日盡明朝眉自為
誰施

適尾州滋司馬文亭感舍弟四郎壁書彈

琴妙聊叙所懷獻以呈寄

偶尋文閣共閑居左見彈琴右見書昨夜歡逢
春晚盡今朝苦念夏來初高看壁上雲栖鳳快
聽絃中水聳魚一一商量相况得張為不敢蔡

無如

哭管外史奉寄

本內記與行
安著作郎

酷悲穿眼復流冤皆道希顏是妄言少日垂惟
疲蠹簡當年對策落龍門青衫未換名無謚白
髮空生祭有孫命矣皇天相與棄高才不過傳
先存

九日侍宴同賦喜晴應製

并序貞觀
十四扶一

臣聞為雨為露天以降成歲之靡遠乍陰乍陽
人以仰授時之由運泪于蕓落開候辰角廉天

以垂文清風戒寒雨畢隨政而設教彼輿蓋之
攸覆載自然當晴以既晴車書之所社業詎不
一喜而重喜者乎我皇駟人壽域翫風光以過
淒涼導物福庭推日月而得長久菊華一束聖
主助彭祖之先術也荃寄千年群臣效華封之
舊詞也於是綠衣之子謝曉夢於徃時白頭之
公報秋晴於今日遊氣高蹇獻哲玄覽頌裏寓以
高仰賜侍臣以遠瞻故天下之傾首者皆是唐
堯就日之民天下之屬心者孰非樂廣披霧之

士風塵永斷耳自俱清請歌聖代之明時將接
頌臣之詠云介

重陽資飲宴四望喜秋晴不是金飈拂應綠玉
燭明無為玄聖化有慶兆民情獻壽黃華酒爭
呼萬歲聲

晚冬過文郎中翫庭前早梅并序

日者朝家有令禁飲酒令行之後無犯之者若
不追訪故人存慰親友更無快飲盃酒縱賦詩
章夫故人未必親友未必故人兼之者文郎中

也我黨五六人適遇即中之暇景聊叙詩酒之
歡娛推步年華嚴冬已晚具瞻庭實梅樹在前
嗟乎時之難得不可不惜物之易衰不可不愛
既有故人之房會盍賦芳樹之早華度幾使故
人之締交者知孔門之有此風云尔
一年何物始終來請是寒中有早梅更使此間
芳意篤應緣相接故人盃

奉和王大夫賀對策及第之作次句

明時對策有名聞負擔箕裘不外分幸免空飯

爲白首無期上列在青雲含情若讀新章句拭

眼驚看舊判文莫道成功能管領一枝蠹桂謝

家君諸儒詳判設
詞甚深故云

賦得麥秋至二首勸安寬卷
竿壇端

步曆春土去乘收夏令安麥由千畝遠秋色兩
岐寬欲舉先登穀非逢暮律寒修占收董稅人
趁守鷄竿錄舊排囚戶羞新肅廟壇自此多稼
瑞將望碧雲端

五月長齊畢書懷簡諸同舍

問君十五日來心，隨喜無聊也不媿。
初慶色色聞般若，暫停念念責觀音。
慇懃欲趁華間醉，約略應容月下吟。
為向香鑪經案導，涼風寒露更相尋。

長齊畢，聊言懷寄諸才子，訓答頻來吟詠。
有感更因本韻重以戲之。

我今若行最甘心，為悔生生殺盜媿。
梵錄光添新發意，書濟更覓舊知音。
嗟來白日駟輪轉，放得炎風避暑吟。
歸着軍腥應宴樂，世間何處擬相尋。

先尋

既秋華

東官侍中房
小宴之作

秋華得地在春官，萬歲將看一箇蓂。
素片還慙芳意素，紅房溫對醉顏紅。
馨香畏減淒涼雨，氣色嫌傷晚暮風。
欲惣繁華供殿下，不知何處路相通。

仲秋釋奠聽講周易賦鳴鶴在陰

暗知鳴鶴驚秋氣，一叫先穿數片雲。
縱使清聲千萬和，不用十翼豈高聞。

九日侍宴同賦天錫難老應製并序貞觀十三
臣聞精誠感致欽若之機自齊冥報來臻孔照
之鑑無掩蓋五緯連珠二離合璧則躔次頻謝
孰謂長生雲膚爛紫露液流甘則氣色難留未
斯之視豈若聖化旁達天居既成一葦之程星
明遠覃司命不換三科之筭猗歟稜稜景福駐
老彭以列周行濟濟風猷越龜鶴以朝魏闕紅
桃在面非藏春色於形容白雪呈肌寧結寒光
於霄體彼紫府黃庭之遊熊經烏申之戲說在

方外誠為瑤焉故肉食空設遂可無勤養之勞
鳩杖舊在誰見有扶持之用况乎重陽慶節九
日優遊侍宴者得道於登高令歡者歸心於避
恩霓裳一曲釣夫夢裏之音露酌數行仙窟掌
中之飲臣等不知不識帝力何施優哉游哉神
交斯在非頌天錫之遐齡無叙人君之至德云
介謹序
明主開壽域不老自蒼天駐采非因道輕身豈
學孤鶴毛無一片鮓背可千年已識皇恩洽將

編雅頌傳

冬日賀船進士登科兼感流年御船弘方

苦惜分陰貢士家登科自此甚寬賒題名已舊
前春勝就賀難留晚自車席上傳看紅桂披盃
中勸得綠梨華君功我業光成後不恨三冬景
易斜予對策及第之日進士得預登科

冬至日晝懷奉呈田別駕

禮具誰羞履襪踈千門共幸一陽舒風光不辨
微和屬夜漏猶嫌冷夢餘稱舊秀才春去後與

前司馬歲來初正元駕覺殊今日再得瀟煩手

上書推任外官滿年抱笏儒生事行禮執經余兩有之故聯此句

近以冬至書懷詩奉呈田別駕訓荅中有
恐作冬雷開蟄促之句吟翫未畢重寄一
封叙云詩去須臾天南雷鳴一声繫睡覺
夢有感更用本韻予止讀驚愕已悟天人
相應即又以本韻重以呈之

感徹悠悠不道踈雷聲在晦甚寬舒君憐百里
聞無外我利連城照有餘強學言詩知是本偷

閑顯志愧為初恩容唱和驚天意願遂編成數
卷書

殘燈風韻

一點殘燈五夜通分分落淚寸心中餘光不力
扶持舉競下蘆簾恐見風

書懷寄安才子

肩昇范漢百篇書太學門前日出初若不揚名
資祿養何愁曆尾數行餘君有歲莫暫停寮試之嗟

同舍小飲

舍不過方丈酒將及數盃夜更留不駐好去待

暇來

秀才早去故有此句

漢書竟宴詠史得司馬遷

少日纔知誦古文何圖祖業得相分每思劉向
稱良史無拜龍門一片雲

八月五夜月前話舊各分一字探得

秋月不知有古今一條光色五更深欲談二十
餘年事珍重當初傾蓋心

謁河州藤負外刺史聊叙所懷敬以奉呈

君居便近望階墀，請謁猶愁寸步遲。案譜江流
親不隔。刺史適生，于大江氏。江同門孔聖道無
欺。刺史同道於榻侍，即春遊莫弄華，開慶夜宴
當饒月滿時。若會長地踈客禮，何嫌日到敵圍
碁。刺史面許對敵

早春侍宴仁壽殿同賦春雪映早梅應製
扶十

雪片華顏時，一般上番梅援待。追歡冰紈寸截
輕粧混玉屑，添來軟色寬。鷄舌纔因風力散，鶴

毛獨向夕陽寒。明玉若可分真偽，願使空人子
細看。

早春陪右丞相東齊同賦東風粧梅各分
一字探得是字

春風便逐問頭生，爲翫梅粧繞樹。迂偷得誰家
香劑麝，送將何處粉樓瓊。先吹煖火頻溫慰，更
作霜力且剪成。裂素誰容勞少女，占巢莫恠妬
初鶯。繁華太早千般，龜號令猶閑五日程。好是
銀塩多結菜，應緣葶相欲和羹。

書齊雨日獨對梅花

點檢窓頭數箇梅華時不記幾年開官門雪映
春遊後相府風粧夜飲來今年內宴有初賦春
雪映早梅內宴後朝
右美相招詩客五六人賦東風
粧梅余雖不才侍此兩宴故云紙障猶卑依樹
立蘆簾暫撥引香迴書齊對雨閑無事兵部侍
郎興猶催

拜戶部侍郎聊書所懷呈田外史

聞說劄官戶部郎人臣何簡職閑忙偷居史局
三年去忝入兵曹二月強余貞觀十三年為內
史今年正月遷兵部

侍郎二月案牘初慙徒政理風雲暫謝屬文章

知君近侍公卿議切過昇降報莫忘外史侍近
皮頭安每

有云公議終
日致修故云

九日侍宴同賦紅蘭受露應製貞觀十五
扶十五

芳蘭裊露恐傷風好是餘清洗碎紅鶴驚寒更
三轉後蜂喧晚步十迴中珠團滿袖羅文解玉
酒添香盞底空臣幸著緋恩澤渥自噎曉滴在
秋蓑

九日侍宴同賦吹華酒應製扶十

恩容九日醉顏酣，酒湛兼清菊，採甘把盞無嫌。
斟分十吹華，乍到唱遲三，辱頭泛皂，金猶黥口。
上餘香麝半含，暮景雙行多得力，松喬更向小
臣慙。

傷安才子

誰疑世俗是風波，叫著蒼天痛奈何。已斷平生
相教授，爲君西向誦離騷。

雪中早衙

風送宮鐘曉漏聞，催行路上雪紛紛。身著得

裘三尺宜口，溫來酒二分。恠問寒童懷軟絮，驚

看疲馬踏浮雲。衙頭未有須臾息，呵手千迴著

案文。

早衙

迴燈束帶早衙初，不倦街頭策蹇驢。曉鼓鼕鼕
何處到，南爲吏部北尚書。

秋日山行二十韻

于時祈神
向越州社

行行山不盡，念念意無聊。步曆三秋暮，離家五
日朝。白雲何澗口，紅樹幾岩腰。每有涼氛判空

今旅思焦整粧寒葦食催駕曉燈挑委曲斜穿
路傾○邪聳橋地危常轉石天近暫纏霄未省
人身換宛如世界超疲驂嘶布水老僕困綿嶠
指過僧持錫逢迎客採樵低頭臨邑里舉手謝
塵囂戶牖基千峙江湖帶一條薜蘿新納結榆
英古錢鉤解渴流泉瀨兼温落葉燒煙嵐心慘
慘骨髓氣蕭蕭豈趁飛丹術非求束帛招拜神
趨社廟齊幣拂災杖日脚光跡走年華物色凋
風驅應遠且月送自通宵問著程多計初知向

復遙

海上月夜

于時祈神到越州

秋風海上宿蘆華况復蕭蕭客望賒語笑心期
聲聞浪詩篇口号指畫沙行遲淺草潮痕没坐
久深更月影斜若放往來憐勝境越州買得一
儒家

資父事君

無心不為春

新文餘黃鳳

序六首

詠史得黃憲

無物不逢春

資父事君

九日喜晴

文郎中庭前早梅

天錫難老

菅家文集卷第一 詩一

